

**Emil Pašić:**

Glavni razlog što sam ovdje večeras je da podržim Mirsada Hadžikadića. To je glavni razlog. Zašto? Zato što sam umoran od sistema u kojem živim skoro sedam godina. Ranije sam živio u Švedskoj skoro 18 godina i tek onda sam preselio u Bosnu. Osnovao sam vlastitu kompaniju, i kao poduzetnik sam shvatio da je skoro nemoguće raditi na ovakvom terenu i u ovakvom sistemu koji je kreiran nakon rata. Kad sam pročitao o mnogim stvarima koje Mirsad želi promijeniti, mnoge od tih stvari bi popravile stvari za ljude koji imaju male biznise ili koji imaju stipendije, ljude koji žele obrazovanje, i kojima je glavni cilj u radu obrazovati se i raditi. Mora se učiti, mora se steći vrijednost, mora se znati vlastita vrijednost, kako bi sutra, bez obzira u kojem dijelu zemlje ili svijeta se zatekli, ljudi prepoznali vrijednost koju imate i koju ste donijeli iz svoje zemlje i da vas poštuju zbog toga. Oni vas ne poštuju zbog vaše starosne dobi ili nečeg drugog, nego zbog onog koliko vrijedite. O svima nama Bosancima, a ja sam takođe Bosanac, kad se pojavimo u svijetu, ljudi imaju loše mišljenje. A ne bi trebalo biti tako, jer mi imamo veliki potencijal. Iskra mnogo ljudi sa mnogo potencijala je do sad ugašena, ali vrijeme je da napravimo promjene, i ja sam 100% siguran da je Mirsad dio tih promjena. Siguran sam 110 %.

**Clark Curtis:**

Ti si tek nedavno čuo za njegovu poruku. To nije nešto o čemu si dugo razmišljao.

**Emil Pašić:**

Da, to je zapanjilo i mene samog, jer ja sam tip osobe koja želi da sluša o nečemu bar mjesec dana prije nego što odlučim je li to prava stvar. Trebalo mi je samo deset minuta njegovog govora da shvatim da je to ta prava stvar, upravo tu. Ovo će nas odvesti gdje smo željeli da idemo prije 20 godina, gdje smo bili prije rata i prije svega, na mjesto gdje smo željeli biti kao kad smo bili odlična država, Jugoslavija. Zahvaljujući njemu, mi ćemo stići tamo. Na pravom smo putu, i to će se desiti u mnogo kraćem vremenu nego što rade svi ovi ostali kandidati već 20 godina. 100% sam siguran da je on iskra.

**Clark Curtis:**

Spomenuo si da bi to mogao biti dug put. On bi naravno mogao pobijediti sada, ali on takođe želi da započne i osnuje ovaj pokret tako da je on još moćniji za četiri godine nego što je sada.

**Emil Pašić:**

Da, to je duga procedura i dug proces, ali ono što njemu sad treba je puna podrška svih. Ne samo mladih koji žele učiti, nego i starijih koji su već postigli nešto. Svih. Jer, ovdje se ne radi samo o Bosni, nego se radi o cijelom svijetu, o isticanju jedne osobe koja će voditi svoju zemlju. I ja zaista mislim da je on taj. Mislim da svijet treba da bude dio ovoga, cijeli svijet. Tako ja razmišljam.

**Clark Curtis:**

To te čini emotivnim.

**Emil Pašić:**

Da. To me čini emotivnim jer ja volim svoju zemlju, i zaista joj želim najbolje, a to je nemoguće dok ne nađemo nekoga ko će to učiniti za nas. Ne mislim uraditi za nas, jer svi učestvujemo u tome, ali on je definitivno, hajmo reći, čovjek koji će biti za kormilom. Ali, svi smo u tom brodu, svi smo u tom procesu, svi smo putnici koji idu prema određenoj destinaciji. Ali, on je taj za kormilom, da. Nadam se da će biti dobro, i priželjkujem to. Bit će to dobra priča za ispričati i za postići. Možda to neću biti ja, možda tek moja djeca, ali ja ipak želim biti dio toga, tako da mogu pričati svojoj djeci i da oni mogu nastaviti proces. To je to, da.